



6. Kriteriji i mjerila za ocjenjivanje zahtjeva za dodjelu sredstava Fonda, odnosno ocjenu programa, projekata i sličnih aktivnosti

Zahtjevi za dodjelu sredstava Fonda ocjenjuju se prema evaluacijskim kriterijima i mjerilima propisanim konkursom.

Kriteriji i mjerila za ocjenu izvodivosti ulaganja, odnosno utvrđivanja finansijske, privredne, tehničke i kadrovske sposobnosti te očekivanih pozitivnih učinaka uloženi sredstava, koji su određeni konkursnom dokumentacijom, moraju biti u skladu sa Pravilnikom.

Kod davanja zajmova, subvencija, finansijske pomoći i donacija relevantan je stepen izvodljivosti ulaganja, te sposobnost korisnika sredstava prema propisanim kriterijima.

Za svaki pojedini konkurs Upravni odbor Fonda može, na prijedlog direktora Fonda, utvrditi pobliže kriterije i mjerila pod uslovom da ti kriteriji i mjerila nisu u suprotnosti s odredbama ovog Pravilnika.

Osnovni kriteriji i mjerila za ocjenjivanje zahtjeva i određivanja prednosti pri dodjeli sredstava Fonda su:

<p>➔ pripremljenost projekata, programa ili sličnih aktivnosti za koje je raspisan natječaj (pripremljenosti stručne i tehničke dokumentacije, stepen spremnosti za početak radova, visina vlastitih sredstava korisnika)</p>	do 10 bodova
<p>➔ stepen povoljnog utjecaja na okoliš (održivi razvoj, očekivano poboljšanje kvaliteta okoliša ili povećanje energetske efikasnosti, cjelovit pristup investitora u rješavanju pojedinih pitanja zaštite okoliša i energetske efikasnosti, ispunjenje međunarodnih obaveza, stepen prioriteta iz programa zaštite okoliša)</p>	do 30 bodova
<p>➔ kvalitet ponuđenog tehnološkog rješenja</p>	do 20 bodova
<p>➔ stepen ugroženosti okoliša (zaštićena područja, zaštićene vrste biljaka, gljiva i životinja, zaštićeni minerali i fosili, ekološki značajna područja, stepen smanjenja onečišćenja okoliša i negativnog uticaja po okoliš i zdravlje ljudi, postupanje na temelju rješenja inspekcije radi uklanjanja rizičnih tačaka za okoliš i zdravlje ljudi)</p>	do 30 bodova
<p>➔ finansijska sposobnost korisnika sredstava na ulaganja i povrat sredstva, ako je povrat sredstava ugovoren</p>	do 10 bodova.



Najveći broj bodova koji se može dodijeliti korisniku sredstava Fonda iznosi 100 bodova.

Prednost pri dodjeli sredstava Fonda imaju korisnici sredstva s većim brojem ostvarenih bodova.

U slučaju da bilo koji od kriterija nije ispunjen i po njemu je dodijeljeno nula (0) bodova, Fond će odbiti zahtjev ili zatražiti dopunu zahtjeva u kojoj se određuje i rok za dostavu dopune.

Kada pozvani potencijalni korisnik sredstava Fonda izvrši traženu dopunu zahtjeva, isti se se potom ponovo razmatra i ocjenjuje.

Zahtjev će se odbiti ako se u navedenom roku zahtjev ne dopuni.

Na osnovu ocjene zahtjeva prema kriterijima i mjerilima i ostvarenom broju bodova, primljeni zahtjevi se svrstavaju na listu prioriteta, s obzirom na broj ostvarenih bodova.

Odluku o utvrđivanju liste prioriteta i dodjeli sredstava Fonda na osnovu objavljenog konkursa donosi Upravni odbor.

Ako se ne objavi konkurs za korištenje sredstava Fonda iz razloga propisanih Zakonom o Fondu za zaštitu okoliša Federacije BiH i općim aktima Fonda, odluku o dodjeli sredstava donosi Upravni odbor Fonda ili direktor Fonda, svaki u okviru svoje nadležnosti.

Po završetku postupka ocjenjivanja projektnih prijedloga, prijedlog Izvještaja sa rang listom prednosti Komisija za evaluaciju dostavlja Direktor i Upravnom odboru Fonda, koji na bazi analize kriterija i redoslijeda na rang listi projekata prihvatljivih za finansiranje, te u okviru raspoloživih sredstava predviđenih javnim pozivom donosi Odluku o odabiru korisnika sredstava Fonda.

Ugovorom se utvrđuju iznosi odobrenih sredstava Fonda, dinamika njihove dodjele, uslovi i način korištenja dodijeljenih sredstava, način praćenja namjenskog korištenja dodijeljenih sredstava, te uređuju ostala međusobna prava i obaveze korisnika sredstava i Fonda.